

隨州志卷十四

古蹟

隨爲漢東故國烈山而後代著名蹟雖古人既往華屋山邱而某山某水爲昔賢釣遊之地披尋遺趾望古遙集流風所被林壑亦爲增光扶筇發詠之資安可聽其湮沒而弗傳歟

神農洞在州東北百二十里厲山之東古有九井初學記盛宏之荊州記云隨郡北界有厲鄉村村南有厲山山下有一穴父老相傳神農所生穴口方一步容數人上

隨州志

卷十四

古蹟

一

有神農廟卽荊州圖永陽縣西北二百三十里厲鄉山東石穴也井在山北重溼周之廣一頃二十畝內有地曰神農宅神農旣育九井自穿汲一井則眾井水動卽此以爲神農社常年祀之庖羲生於陳神農育乎楚考籍應圖於是乎在水經注賜水西逕厲鄉南水南有重山卽烈山也是神農所生處水北有九井今堙塞遺蹟髣髴存焉亦云鄉故賴國也錄異記曰永陽縣有山壁立千仞巖上有石窟窟前百草叢茂莫不畢備又別有異藤花似菱菜朝紫中綠晡黃暮青夜赤五色迭曜路

史神農井在賴山山即厲舊說汲一井則八井皆動人不
敢觸今惟一穴大木旁蔭卽其處立社社今廢後復建
炎帝廟焉

帝王世紀又謂炎帝母安登遊華陽感神而生炎帝長
於姜水姜水在謂今鳳翔府寶雞縣然左傳及祭法俱稱
列山氏則厲山爲神農
所生之地較爲可信

按厲山在城北四十里而神農洞在東北百二十里談
者滋疑不知隨之北境皆古厲鄉地在卽厲國也洞在境
內自屬
確據

斷蛇邱隨季梁大夫池在隨縣故城西高誘淮南子注隨
侯漢東國姬姓諸侯也隨侯出見大蛇傷斷以藥傅而

隨州志

卷十四

古蹟

二

塗之後蛇於夜中銜大珠以報因曰隨侯之珠蓋明月
珠也搜神記隨侯珠徑盈寸純白而夜光可以燭室故
歷世稱焉南都賦隨侯夜光卽指此水經注澁水東南
流逕隨縣故城西水側有斷蛇邱亦曰靈蛇珠邱南有
隋季良大夫池左傳作
季梁其水南流與義井水合義井出
隋城東南井泉嘗涌溢而津注冬夏不異相承謂之義
井下流合澁水澁水又南流注於澗澗水又逕隨縣南
隋城山北以是考之則隨縣故城當在今城西北數里
澁水之側史記正義亦云隨國在今隨縣城外則斷蛇

邱遺蹟與大夫故池俱當在其地明宏治中知州李充嗣於今城西隅鑿一池名曰夜光池強古就今斯失實矣

隨侯救蛇事見淮南子注及搜神記其畧同明者知不王納言隨珠堂記云隨侯救蛇夢而得珠其言夢者知不知何本至舊志有蛇銜珠吐於堂外曰我龍珠子也感君活命故來報德有隨侯得珠進於楚王其得珠進楚事蛇又不知何益且怪

隨侯臺在州北八里今無考太平寰宇記云隨侯救蛇之所是卽斷蛇邱也

舊志譌作隨侯放彈之所湖廣通志仍之

隨州志

卷十四

古蹟

三

驪驪陂在州西北九十里唐城白雲鄉今無此鄉名左傳唐成

公如楚有兩肅爽馬子常欲之弗與三年止之唐人竊馬而獻之子常歸唐侯是也驪驪名陂始見於唐人胡曾詩今唐縣鎮驪驪橋卽其地舊時刻石驪驪陂三字猶在

楚昭王城史記正義在隨州隨縣北七里左傳云吳師入郢王奔隨隨人處之公宮之北卽此城是也

舜子巷義井碑在城南一里許隸釋在隨之舜子巷石理皴剝其間有光和三年字知其爲漢碑也元祐丁卯年

郡守許覺之始徙於後圃方輿勝覽舜井碑在隨州碑字漫滅惟碑陰有五大夫三字相傳秦時碑舊在舜子巷草間今在漢東閣下宋許覺之有舜井斷碑詩此碑於宋初尙謂之舜子巷義井碑而今直謂之舜井碑舜井之名當自此始又楊升菴法帖神目云舜井碑秦時隸書在隨州又云碑陰題名之下尙有數十字蓋紀事之辭殘缺無成文者考隸釋有光和三字而方輿勝覽則云惟碑陰五大夫三字尙存是光和字又已剝蝕矣升菴於二百年後忽復見碑陰題名其下又有數十

隨州志

卷十四

古蹟

四

字豈所見別是一碑耶義井見於水經注不知卽是否平林城在州東北八十里上名鄉王莽地皇三年新市王匡等進攻隨郡未下平林人陳牧廖湛聚眾千餘人號平林兵以應之故中興兵有新市平林之號卽此地也晉以後爲縣唐武德中併入隨故後漢書章懷注云平林在今隨州隨縣東北是也城久廢讀書臺一統志隨州有漢張衡讀書臺衡字平子南陽西鄂人嘗作二京賦十年乃成臺今已廢湖廣通志載州治東亦不詳何地

光化縣故城在州南三十里光化鎮之北縣爲南齊所置
本曰安化後周改名光化宋時廢入隨州文獻通考光
化縣有錫水錫水不見於水經今亦無考宋沈括有光
化道中遇雨詩

舊志謂之楚子城引左傳桓公八年楚子合諸侯於沈鹿黃隨不會使遠章讓黃楚子伐隨軍於漢淮之間云
因築城通隨故號楚子城考杜注黃國在弋陽縣即今光山縣地蓋黃近淮隨子城近漢故軍於其間以兩相控必
不在近隨數十里內也其築城通隨事亦不見於諸傳今遺基尙存土人俱指是舊光化縣城也

隋文帝故宅舊志在州西南五十里龍居山相傳文帝微
時居此

隨州志

卷十四 古蹟

五

按文帝父忠於周武成元年即封公帝亦先進爵伯爲隋州刺史元和三年襲爵爲公象二年進爵王是帝固生而貴者也且州爲其封邑安得有微時居山事

漢東樓卽城南門麗譙樓也舊址已廢今樓爲明知州李
充嗣重建

國朝咸豐二年知州楊嘉運率邑紳童大中等重修

遷仁樓卽北門麗譙樓也劉長卿有登遷仁樓酬子婿李
穆詩亦昔人登眺之所遷仁一作僊仁

仙城山在州南七十里唐李白所謂紫陽先生八歲經仙
城山超然有清都紫微之想者卽此山也後爲道士元

演隱居地巒壑深秀溪流互迴鬱然仙境白居易安陸時亦嘗遊宴於此其憶譙郡元參軍詩載藝文

按白有送无演隱仙城山序首稱霞子元丹煙子元演元丹即紫陽碑辭所載之元丹邱天寶初爲威儀元演其弟是

餐霞樓在州治西唐紫陽先生胡公煉真處也胡公名無考所居曰苦竹院中有餐霞樓手植雙桂日棲遲其間見李白所撰碑文白又有題隨州紫陽先生壁詩今樓故址已湮舊志亦不詳在何地

紫陽先生塔銘李白撰在州南三十里光化鎮寰宇記所

隨州志

卷十四 古蹟

六

謂在廢光化縣是也宋敏求作太白文集後序云同舍呂縉叔出漢東紫陽先生碑而殘缺閒莫能辨因不復收入近時錢塘王琦收輯李白詩文於茅山志中錄出此碑且云雖有缺文而與集中所稱元丹邱僧倩公仙城山餐霞樓等多所取證其文係太白真作銘詞元奧可喜

烏龍巷在城內北關之西相傳宋太祖客隨時居此宋史董遵誨傳遵誨父宗本仕漢爲隨州刺史太祖微時客遊漢東嘗依宗本遵誨見城上紫雲如蓋又夢登高臺

遇黑蛇約長百尺餘俄飛騰東北去雷電隨之間太祖曰是何祥也太祖不對後人因名其所居曰烏龍巷李氏東園在城南爲宋時李氏別業歐陽修幼居隨往來其中所謂城南李氏爲著姓見其方治東園往求美草一一手植封樹甚勤是也厥後堯輔復構亭其間因爲作東園亭序

尹公亭在州治東宋尹洙謫隨時所居也梅聖俞集有使者自隨州來知尹師魯寓止僧舍語其處物景甚詳因作詩以寄焉曾鞏記其所居爲城東五里開元佛寺金

隨州志

卷十四

古蹟

七

燈院又云於其北阜竹柏之間結茅爲亭旣去而人不忍廢輒理之因名之曰尹公亭州從事謝景平刻石紀其事治平四年知隨州李禹卿因其舊址增修後廢明知州李充嗣復立於白雲書院

白雲樓在州治西城上宋邢恕貶隨日其子居實從焉嘗登城遠眺見諸吟咏其寄陳履常詩云來時城南陌始見梅花白回首漢江頭黃梅已堪摘杖策登高城極目迴千里落日下青山但見白雲起後人卽其地建樓遂號白雲樓焉樓廢明宏治中知州李充嗣鑿城西地爲

夜光池於池南纍土爲基高與城等復建是樓下置白雲書院以祀歐陽文忠公未幾遷去後知州史經以形家言不利於公廨毀之乾隆四十五年知州吳繁孫卽舊址建亭更名曰白雲亭

湏陰亭舊志云在州治西亭今已廢未詳何地宋張商英有登湏陰亭詩

瑞蓮亭在城北臨濠水舊志稱明知州李充嗣建推官華清爲之記然記云公守茲土作而興之使昔之頽垣毀堞荒榛野草今皆爲雕甍畫棟晶彩奪目又云隨人樂

隨州志

卷十四

古蹟

八

公之賢而以瑞蓮寓名是必昔本有此亭而充嗣復修因改今名耳充嗣又建洗心亭亦在城北濠水上今皆廢

溫泉在州西南百二十里梅邱山谷間通志謂之暖水涓流委折注爲一漥澄澄渟澈水性不寒而溫始翳於叢莽中知州李充嗣芟剔穢草而出之甃以爲池復構亭其上匾曰溫泉莆田俞釗爲作溫泉記

後喜雨亭在城南明神宗初年州人爲知州林梓建梓禱雨獲應築此以識之顏曰後喜雨亭今廢

夜光池在城西隅白雲樓下明宏治中知州李充嗣鑿平
波十畝中通泉派池之前卽白雲書院故宋歐陽子祠
堂也閱久而廢詳祠字

乾隆四十二年居民鋤地得碑有夜光池三字碑陰刻
明進士李槃詩知州胡觀瀾因立碑池上而建亭以覆
之四十四年知州吳繫孫重建廳事於碑之西翼以迴
廊培以佳樹又於廳西構室兩重南北相向室之南卽
白雲亭也亭之南又建龍神廟以僧主其香火繫孫自
作記言建修始末甚詳但不知其地卽爲白雲書院而

隨州志

卷十四

古蹟

九

沿襲俗傳謂是靈蛇故蹟斯失考矣

餐霞閣在治西久廢

清暑閣在城西南久廢

漢東館在治東久廢

娥皇洞在天橋山西北小湏水所自出

白龍池在大洪山南一統志鄭毅夫夢化爲龍浴於大洪
山之南池卽此

黑龍池在大洪山北卽湏水源也泉穴極深

龍井在大浪山

觀音岩在州城西北百里鑿山爲寺山半有石洞由小口入內甚寬廣儼然殿宇中有石枕石床僉以爲鬼斧神斤非人力也

文筆峯在州南十五里迴龍寺建始無考道光九年邑紳黃開東勸楊秀巖捐金重修知州呂恂有記

奎樓在城內文廟後今廢

文閣在東門外舊名鳳凰臺今廢